

Ammasumik ataatsimiinnermi oqaluuserisassat:

Imm.01 Oqaluuserisassat akuersissutigineri

Imm.02 Allaffeqarfimmiit paasissutissiineq

Imm.3.1 Kangaamiuni iliveqarfimmut aqqusineq

Imm.4.1 2021-imi Teknikkeqarnermut ataatsimiititaliap ataatsimiittarnissaanut siunnersuutit.

**Imm.4.2 Imermut errortuivikumik pilersaarummik 2021 - 2026 inaarutaasumik
akuersissuteqarneq**

Imm.4.3 Aalisartut ilitsivii

**Imm.4.4 Ukioq 2021-mi Maniitsumi Sisimiunilu kuuffissuarnut nutaanut aningaasaliissutinik
agguataarineq**

**Imm.6.1 2021-mi ukiuunerani piniarnermut atatillugu nunaannarmi angallannissamut immikkut
akuersissut**

**Imm.6.2 2021-mi Kangerlussuup kujataani avannaanilu ukiuunerani umimmaat pisassiissutit
agguanneqarnerat pillugu aalajangiineq**

Imm. 6.3 2021-imi qilalukkanik qaqortanillu pisassiissutit kommunimi agguaanissaat

Imm.08 Tamalaat

Ataatsimiinneq allartippoq nal.14:00

Peqataasut:

Siumut

Frederik Olsen (telefon)
Gideon Lyberth (Videotelefon)

Atassut

Anna Karen Hoffmann (telefon)

Inuit Ataqtigiit

Parti Naleraq

Jens M. Lyberth (telefon)

Nalunaaruteqarlutik peqataanngitsut:

Nalunaaruteqaratik peqataanngiPeqtsut:

Axel Lund Olsen

Imm. 01 Oqaluuserisassat akuersissutigineri

Akuersissutigineqarput

Imm. 02 Allaffeqarfimmiit paasissutissiineq

- HANS Ulrik
 - o Januaari ERP-mik systemimut atorneqangaatsiarpoq, tassani ingerlatsinerup iluani kisitsisinik paatsuunganarsinnaasunik arlalinnik peqarmat, naatsorsuutit missingersuutillu nutartikkat ingerlanneqarlutik, tassani atuiffinit nussuinerit arlallit aamma missingersuutinik nutarterinerit kiisalu pingaartumik akunnermusialinnut atatillugu kukkunerit ingerlanneqarsimasut iluarsineqarlutik.
 - o Sanaartornermut missingersuutit nutarterneqarnissaat amigaataavoq, taamaalilluni 2021-mut suliassat nutaat aamma takuneqarsinnaassallutik. Ukiup siulianut sanilliulugu annertuumik sipaaruteqartoqarsimllunilu nalimmassaasoqarnikuuvoq, allaffeqarfik suliassanik aallartitsisinnaaniassamat ingerlateqqinneqarnissaanik kisaatigineqartunik.
 - o Nutarsaanissamut aningaasaliissutini aggutaarineaq ingerlannqearpoq. Ukioq kingulleq allaffinnut nutarsaaneq kiisalu kommunip kiassaateqarfianut illut attuumassutillit 42 ukioq kingullermit kiassarnermut aningaasartuutaanikuusunit 1 mio. koruunit missaaniinnikuusuniit procentimik sipaarfiupput.
- Ulrik
 - o Maniitsumi suliassat taamaannikuupput.
 - o Kisianni Niels illoqarfimmiimmat sanaartornermut suliniutit eqqartorneqarput
 - Ilaqutariinnut inerisaavik sanaartorneqarpoq
 - Utoqqaat angerlarsimaffiat pujortartarfittaassaaq
 - o Naartsuaranngumik paasissutissiineq apeqqutissaqarussi apeqquteqarfigisinnaasasi
 - Kangaamiuni atuarfik qanoq ingerlava
 - Ulrik: Michael aamma Niels ingerlaqqinnissaa pillugu allakkiornikuupput taannalu Anna-mut saqqummiullugu.
 - Hans Ulrik: Allakkiarineqartoq piareerpat ataatsimiititaliami ilaasortanut tamanut ingerlateqqinneqassaaq.

Imm.3.1 Kangaamiuni iliveqarfimmut aqqusineq

Journal nr. 06.02.02 ERP-mik suliniut 500140

Tunuliaqutaq

Kangaamiuni iliveqarfik sanaartukkat avannaatungaannut 300 meter missaani ungasissusilimmi qaqqaqarfiup alannguatungaani inissisimavoq. Iisinermi alakkaanermilu appakaannissamut qaqqap nunataa ajornartorsiotsisarpoq, ingammik innuttaasunut utoqqarnut, pitsorluttunut innarluutilinnullu. Taamaattumik ukiuni arlalinni iliveqarfimmut aqqusinermik nutaamik pilersitsisoqarnissaa pillugu kissaateqartoqarnikuuvoq, aammalu 2020-mi missingersuutini suliniutitut 500140-tut tassunga 3,642 mio. koruunit aningaasaliissutitut ilanngunneqarnikuupput. Suliniummut 500140-mut aningaasat nunaqarfinni aqqusinernut aningaasaliissutaapput, 2019-imi decembari p pingajuani TA ataatsimiinnerani 09/2019 imm. 6-tut suliarineqarnikuusoq.

Maleruagassatut tunngavissat

Aqqusinernik pilersitsineq kommunip suliassarivaa, tamatumani pilersitsinermit tunngavissatut tullinnguuttut malittarisassaallutik:

- Iliveqarfik 2010-mi novembarip 17-aneersumi kommunip pilersaarusiorfigineqarnerani immikkoortut ilaatut 703-D2-tut nunaminertaq immikkoortitaavoq.
- Namminersornerullutik Oqartussat – Kalaallit Nunaanni aqqusinernik suliarinninnermi ilitsersuut 1987.

Pissutsit atuuttut

Iliveqarfimmut aqqusinermut appakaaffissamut 2014-imi titartakkatut siunnersuusiortoqarnikuuvoq, taamanikkut sanaartornissamut aningaasartuutissat tamakkiisut 8,730 mio. koruunit missaaniissasut naatsorsorneqarluni. Tamatuma kingorna sivinganerusunik qummukajaalimmik aqqusinermut sioraasumut nerukinnerusumut sipaarutaasinnaasut nassaarineqarput.

Immikkoortoq D2-mut sinaakkutissatut aalajangersakkami pilersaarusiornermi tunngavissani, aqqusineq maannakkut eqqaavissuusup eqqaani aallartittusaaanikuuvoq iliveqarfiullu tungaanut 342 meter missaani ingerlassalluni, kaajallattarfeqarlunilu biilinit inissiiveqassaaq. Tassangaaniit aamma illoqarfimmi arsaattafimmut appakaaffissaqassaaq.

Masanti A/S taakunga naapertuuttumik aqquserngup ingerlaarfissaanut atugassatut siunnersuusiornikuuvoq, takuuk ilanngussa 1.

Aqqusinermik suliarinnissanut aningaasartuutissatut missiliuutaasut missiluut C-mi allassimapput, ilanngussa 2.

Atuilluartuunissakkut kingunerisinnaasai

Iliveqarfimmut aqqusinermik nutaamik pilersitsilluni atortulersuutinik pitsanngorsaaniikkut, maannakkut majuartarfinnik pisinnaallu aqquaatigut appakkaaffinnik sanilliullugu, aputaajaanermi aamma ilisisoqarnerani illerfinnik assartuisarnerup ajornaannerulernissaa naatsorsuutigineqarpoq.

Pitsorluttunut iliveqarfimmut arsaattarfimmullu appakaaffissanut periarfissanik tunisinikkut, inuunerisa pitsaassusaannik annertusaataassaaq.

Aningaasaqarnikkut allaffissornikkullu kingunerisinaasai

2020-mi missingersuutini suliniummut 500140-mut aningaasat 3.642.000 koruuniupput. Ingerlaarfimmik qummukajaajusumik asfalteinermit, ujaqqanik qaartiternerlukunik amigartoornermi matussusiinissamut

**Teknikkeqarnermut ataatsimiititaliap februar-ip 4-ni 2021 ileqqusumik ataatsimiinnerani 01/2021
imaqarniliaq**

ujaqqanik qaartiterinermut kiisalu nakkutilliarlorluni angalasarnissamut kommunip aningaasartuutissai ilanngullugit, missiliuut C-mi misliutaasoq 5.355.140 koruuniuvoq.

Taamaalilluni Kangaamiuni iliveqarfimmut aqqusinermik pilersitsinissap ingerlanneqarsinnaanissaanut 1.713.140 koruuninik aningaasaliissutinik amigaateqarpoq.

Aqqusinermi pissutsinut suliniummit 500140 ataatsimut aningaasaliissutit, 2021-mi 2022-milu ataani eqitsimmi allassimasutut 2021-mi 2022-milu missingersuutini nuutsinneqassasoq siunnersuutigineqarpoq, TA ataatsimiinnermini 09/2019 akuersissutigimmagu, aningaasaliissutaasuniit ukiut tamaasa 1 mio. koruunit Kangerlussuarmut atorneqartassasut.

ERP-mi nuutsineq annertususseqassaaq, 1000 koruunit:

Ateq	Suliniut	Atuiffinnut allattuivik: immikkoortoq, siunertaq, suussusaa, sumiiffik	Aningaasaliissutaqqartut Bevilg.	Ilassut	Nutaamik aningaasaliineq
2021-mi Kangaamiuni iliveqarfimmut aqqusineq	500140	563030600-0902030000-122140765-010573-500140- 1-53-13	3.642	1.000	4.642
2022-mi Kangaamiuni iliveqarfimmut aqqusineq	500140	563030600-0902030000-122140765-010573-500140- 1-53-13	0	0.713	0.713
Aqqusinernut pissutsit, ataatsimoorussamik Ukioq 2021	500141	563030600-0902030000-122140765-010573-500141- 1-53-13	2.000	-1.000	1.000
Aqqusinernut pissutsit, ataatsimoorussamik Ukioq 2022	500141	563030600-0902030000-122140765-010573-500141- 1-53-13	2.000	-0.713	1.287
Katillugit			7.642	0	7.642

Allaffeqarfiup naliliinera

Suliniut akikinnerusinnaangitsoq nunatallu qattunerasaarnera pissutaalluni sipaarutissanik allanik nassaartoqarsinnaangitsoq nalilerneqarpoq. Aqqusineq 3m nerutussuseqarluni ataasiinnarmik

aqqutissaqarpoq, immap tungaanut qaqqat sinaat sivingasuummata aqquuserngup sinaani illersuutit pisariaqarput aammalu ingerlaarfinni sivinganerusuni asfalimik piiaammik atoqqitanik asfalterinissaq pisariaqarpoq, aqqusineq sisooriartussangippat. Aqqusineramik taamaallaat 342 m-usumik aqqusineramik pilersitsinermut aningaasartuutit km-imut 15,658 mio. koruunisut annertutigiinnarput, tamannalu naggataatigut annertoorujussuussaaq.

Innersuussut

Suliaq Teknikkeqarnermut ataatsimiititaliamut, kingornalu Aningaasaqarnermut ataatsimiititaliamut kingusinnerusukkullu Kommunalbestyrelsimut akuerisassanngorlugu saqqummiunneqarpoq:

-aningaasaliissutit sinaakkutaat tamakkiisoq 5,355 mio. koruuninngortillugu Kangaamiuni iliveqarfimmut aqqusinermut 2021-mi 2022-milu aqqusineranut pissutisinut aningaasaliissutinit 1.713.140 koruuninik nuutsisoqassasoq, takuuk eqitsit qulaatungaaniitoq.

-aqqusineramik suliniummik pilersaaruserneq ingerlateqqinneqaannassasoq suliassamullu suliariumannittussarsiuussisoqassasoq.

Aalajangiineq

ØU-mut KB-mullu suliareqqitassanngorlugu ingerlateqqinneqarnissaa Teknikkeqarnermut ataatsimiititaliap akuersissutigivaa

Ilanngussat

1. Suliniummut siunnersuut pilersaarummut titartagartalerlugu Masanti A/S-imit suliaasoq.
2. Missiliuut C, Kangaamiuni iliveqarfimmut aqqusineq

**Teknikkeqarnermut ataatsimiititaliap februar-ip 4-ni 2021 ileqquusumik ataatsimiinnerani 01/2021
imaqarniliaq**

**Imm.4.1 2021-imi Teknikkeqarnermut ataatsimiititaliap ataatsimiittarnissaanut
siunnersuutit.**

Journalnr.

Tunuliaqutaq

Ataatsimiititaliap 2021-mi ataatsimiiffissat ulluinik allattoqarfik siunnersuuteqarpoq.

Kingullermik ataatsimiinnerup kingorna, Aningaasaqarnermut ataatsimiititaliaq Kommunalbestyrelsilu ataatsimiittarnissamut ullut akuersissutigineqarput, taamaattumillu ataatsimiittarnissamut ullussatut siunnersuutit matumuuna nassinneqarput.

Pissutsit atuuttut

Aningaasaqarnermut allatseqarfimmit siunnersuutit

Ataatsimiin -neq nr.	Teknikkimut ataatsimiititalia q	Aningaasaqarnermu t ataatsimiititaliaq	Kommunal Bestyrelsi	Atugarissaarnermu t ataatsimiititaliaq	Ilinniartitaanermu t ataatsimiititaliaq
1	4. Februar	16. Februar	25. februar	9. februar	1. februar
2	4. Marts	16. Marts		8. Marts	8. Marts
		20. April	29. april	13. april	6. april
3	6. Maj	18. Maj	27. maj	11. maj	10.maj
4	3. Juni	15. Juni		8. juni	7. juni
5	5. August	17. august	26.August.	10. august	2. august
6	2. September	21. september	30. september	14. september	6. september
7	7. oktober	19. oktober	28.oktober	12. oktober	11.oktober
8	4. november	16. november	25.novembe r	9. november	8.november
9	2. december	14. december		7. december	6. december

Allaffeqarfiup naliliinera

Ullut ataatsimiiffissanut siunnersuut nutaaq tullinnguuttutut isikkoqarpoq:

Ataatsimiinne q nr.	Teknikkimut ataatsimiititalia q innersuussut	Aningaasaqarnerm ut Ataatsimiititaliaq Aalajangiineq	Kommunal Bestyrelsi Aalajangiine q	Atugarissaarnerm ut ataatsimiititaliaq novembarimi aalajangiineq 2020	Ilinniartitaanerm ut ataatsimiititaliaq novembarimi aalajangiineq 2020
1	4. Februar	16. Februar	25. februar	9. februar	1. februar
2	4. Marts	16. Marts		8. Marts	8. Marts
		20. April	29. april	13. april	6. april
3	6. Maj	18. Maj	27. maj	11. maj	10.maj
4	3. Juni	15. Juni		8. juni	7. juni
5	5. August	17. august	26.August.	10. august	2. august
6	9.September	21. september	30.september	14. september	6. september
7	7. oktober	19. oktober	28. oktober	12. oktober	11. oktober
8	4. november	16. november	25.november	9. november	8. november
9	2. december	14. december		7. december	6. december

Innersuussut

Teknikkeqarnermut ataatsimiititaliamit akuereqqullugu Teknikkeqarnermut Avatangiisinullu immikkoortortap innersussutigivaa,

Innersuussutigineqartoq akuersissutigineqassasoq

Alajangiineq

Teknikkeqarnermut ataatsimiititaliap innersuussut akuersissutigivaa

Ilanngussat

- 1 2021-imi Teknikkeqarnermut ataatsimiititaliap ataatsimiittarnissaanut siunnersuutit.
- 2 2021-mut Ilinniartitaanermut ataatsimiititaliap ataatsimiittarnissatut ullut akuersissutigineqartut
- 3 2021-mut Atugarissaarnermut ataatsimiititaliap ataatsimiittarnissatut ullut akuersissutigineqartut

Imm. 4.2 Imermut errortuivikumik pilersaarummik 2021 - 2026 inaarutaasumik akuersissuteqarneq

Journalnr.

Tunuliaqutaq

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat. Takuuk ataatsimiinnermit imaqarniliartalik ilanngussaq 1, Qeqqata Kommuniani sumiiffinnut Sisimiut, Maniitsoq aamma Kangerlussuarmut Imermut errortuivikumik pilersaarut 2021 - 2026-mut siunnersuut 2020-mi oktobarip 29-ani kommunalbestyrelsip akuersissutigivaa. Suliamik saqqummiussaq una imermik errortuivikumik pilersaarummik inaarutaasumik akuersissuteqarnissamut tunngassuteqarpoq.

Maleruagassatigut tunngavigisaaq

- Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq.
- Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersoq

Pissutsit atuuttut

Pilersaarut imermik errortuivikumik pioreersumik suliaqartarnermik kiisalu sumiiffinni qulaani taaneqartuni pingasuusuni imermik errortuivikumik kuutsitsinnermut igitsisarnermullu siunissami suliniutissanut piffissanut missingersuutinullu pilersaarummik tamakkiisumik paasisaqarnissamik imaqarpoq. Imermik errortuivikumik pilersaarut sumiiffinni pingasuusuni Sisimiuni, Maniitsumi Kangerlussuarmilu kuuffissuaqarfinnik pioreersunik aamma siunissami kuuffissuarnut pissutsinik nunap assinginik titartagartalinnaq imaqarpoq. Pilersaarut imermik errortuivikumik immikkoortup iluani anguniagassanik tullerriaarisuuvoq aamma pilersaaruserfiusup piffissaani atuutilersussanut suliniutinut tigussaasut saqqummiunneqarput. Pilersaarutip piffissarivaa ukiut arfinillit 2021-mit 2026 tikillugu atuuttuusussaq, 2027-mit 2033-mut atuuffissatut pilersaarummik ilaqarluni. Imermik errortuivikumik pilersaarut ilanngussani 3-8 ilanngunneqarpoq.

Imermik errortuivikumik pilersaarut 2021 - 2026 2020-mi novembarip sisamaanit 2021-mi januaarip aqqarnata tungaanut tamanut tusarniutigineqarnikuuvoq. Saqqumiussinerup ingerlanerani tusarniaanermi akissuteqaatinik pingasunik tigusisoqarnikuuvoq (ilanngussaq 2).

1. Nukissiorfiit
2. Ineqarnermut Attaveqatigiinnermullu Naalakkersuisoqarfik
3. Ilisimatusarnermut Avatangiisinullu Naalakkersuisoqarfik

Allaffeqarfiup oqaaseqaatai ataaniittut uingasumik nalunaaqutseqqapput.

1-mut. Imermik errortuivikumik pilersaarutit siunnersuummut Nukissiorfiit akerliliissutissaqanngillat.
2-mut. Imermik errortuivikumik pilersaarutit siunnersuummut Ineqarnermut Attaveqatigiinnermullu Naalakkersuisoqarfik akerliliissutissaqanngilaq.

3-mut. Imermik errortuivikumik pilersaarutit siunnersuummut Ilisimatusarnermut Avatangiisinullu Naalakkersuisoqarfik akerliliissutissaqanngilaq, tusarniaanermili akissuteqaataat oqaaseqaatinik nalinginnaanerusunik immikkullu ittunik imaqarpoq (tak. ilanngussaq 2). Naalakkersuisoqarfiup oqaaseqaatigivaa, tusarniaanermi atortussani allassimasoqartoq, illunut unioqutitsinngitsunut

pioeersut nunamut (iggavimmit imikumik) kuutitsinissaanut peqqusinissamut periarfissaqanngitsoq aammalu tusarniaanermi atortussani taaneqartoq, kuuffissualernissamut aningaasartuutunik illunik piginnittut akiliisalernissaanut inatsimmik allannguinnissaq pisariaqartinneqartoq. Naalakkersuisoqarfiup inatsimmi ujartorneqartumi tunngavissaq sorleq paasiumaatsippaa erseqqissaatigalugulu, tak. imermik errortuivikumik nalunaarummi, ukununga peqqusinissamut periarfissaqartoq;

1. Kuutsitsineq pioeersoq avatangiisinut imaluunniit isumannaallisaanermut peqqissutsimulluunniit immikkut ajornartorsiortitsippat, § 14 naapertorlugu attaviliinissamut akuersissummik nutaamik nassiussisoqassasoq (§ 39).
2. Takuuk imermik errortuivikumik nalunaarummi § 10, imermik errortuivikumut pilersaarummi aalajangersagaasutut, kuuffissuaqarfiup iluani illut pioeersut atassusertinneqarnissaanut pisussaaffeqartoq.

Inatsisinut tunngasut qulaaniittut imermik errortuivikumik pilersaarummit nutartikkami iluarsineqarnikuupput.

Atuilluartuunissakkut kingunerisinnaasai

Qeqqata Kommuniaut imermut errortuivikumut pilersaarummik anguniagaasooq pingaarneq tassaavoq, piffissaq qaninnerusooq ungasinnerusorlu isigalugit imeq errortuivikoq eqqiluisaartumik avatangiisinullu illersorsinnaasumik suliarineqartarnissaa iginneqartarnissaalu. Imermut errortuivikumut pilersaarutip kuuffissuit kuuffiini kuutsitsiffigisanik avatangiisinik misissuinissamik aallartitsisoqarnissaanik siunnersuusiorfiuvoq, kommunimi kuutsiffigisami ataatsimi arlalinniluunniit saliinnermut atortulersummik pilersitsinissamut pisariaqartitsinermik naliliinissaq siunertaralugu.

Qeqqata Kommuniata pilersaarusiornermut periusissiaa 2018-2022 naapertuuttumik Maniitsumi Sisimiunilu kuuffissuit aqqutaanik suli annertusaanissaq pilersaarutaavoq. Taassuma innuttaasut amerlanerusut aqqummut attavilersinnissamut periarfississavai, taamaalilluni illoqarfinni imeq errortuivikoq annertunerusoq ullumikkornit, inoqutigiit amerlasuut suli anartarfilerisarnermut puussianit atuiffianni, eqqiluninnerusumik suliarineqarsinnaalluni. Kuuffissuit annertusiartornerat ilutigalugu illoqarfinni Kangerlussuarmilu "ilaqutariinnut ataatsinut illut"-nut kommunip anartarfilerisarnermik aaqqiissutaa atorunnaarsikkiartuarneqassasoq naatsorsuutigineqarpoq.

Aningaasaqarnikkut allaffissornikkullu kingunerisinaasai

Kuuffissuaqarfanni pioeersuni kuuffissuit aqqutaannut illunik piginnittut attavilersinneqarnissaanut kajujumissuut qaffassarniarlugu, imermik errortuivikumik pilersaarummi siunnersuutaavoq, ukioq 2000 kingorna kuuffiissuarnut pioeersunut pilersitanut attavilersinnissamut akiliutissaq siunissami 0 koruuninut allanngortinneqassasoq. Kuuffissuit annikitsortaanut illut akiliutissaat aammalu immikkoortuni nutaani attavilersinissamut akiliutaasartoq ullumikkut sanaartorfissagissaanikkut pisarpoq. 1999 sioqqullugu namminersorerullutik oqartussanit naalagaaffimmiillu attaviit pilersinneqartunut attavilersinnermut akiliut 0 koruuniuvoq. Nutaamik sanaartorfissagissaanerup avataatigut ukioq 2000 kingorna kuuffiissuarnik pioeersunik pilersinneqarnikumik attavilersinnermut akiliut kuuffissuarmut attavilersinnermut Maniitsumi 15.000 koruuniuvoq. Sisimiunut attavilersinnermut akiliut immikkoortumiit immikkoortumut nikerarpoq. Immikkoortuni Qiviarfimmi, Kaaliikassaap Aqq.-taani, Jansenip Aqq.-taani attavilersinnermut akiliutaasartoq 30.000 koruunit annertussuseqarpoq. Siimuup Aqquserna-ni attavilersinnermut akiliut 49.800 koruuninik annertussuseqarpoq. Attavilersinnermut akiliutit illuutilinnut kuuffissuarmut attavilersinnissamut akimmiffiusarsimapput, akigititallu assigiinngitsut allaffissornikkut ajornakusoorsimallutik. Imermik errortuivikumut pilersaarummi siunnersuutigineqarpoq, kuuffissuit aqqutaannut pioeersunut tamanut attavilersinnermut akiliutaasartoq siunissami 0 koruuniussasoq.

Kuuffissuaqarfinni aalajangersimasuni illunut attavilersinnissamut pisussaaffik pillugu imermik errortuivikumik nalunaarummi § 10-mik malitsitsineq, allaffissornikkut kinguneqassaaq. Kuuffissuaqarfinni aalajangersimasuni illut ullumikkut kuuffissuarnik siaartiffioreersuusuni illunut piginnittut tamarmik, attavilersittussaataaernermit pisussaaffik pillugu pasissutissanik nassitsiffigineqassapput. Kuuffissuaqarfinni aalajangersimasuni kuuffissuarnik nutaanik siunissami siaartitsisoqarpat, pingaarnertut kuuffissuit aqqutaannik siaarsinerup kingorna kingusinnerpaamik ukiut marluk attavilersinnissamut pisussaaffik illunik pioreersunik piginnittunut aammattaq erseqqissaassutigineqassaaq. Suliassanik taakkunannga suliarinninnermi sulisunik immikkut atuisoqartoqassaaq, naatsorsuutigineqartariaqarporlu, tak. § 10 imm. 6 attavilersittussaataaernermit immikkut akuerineqarnissaq pillugu qinnuteqaatinik allaffeqarfik tigusaqarumaartoq. Immikkut akuerineqarnissaq pillugu qinnuteqartoqartillugu pisorpiamik nalilersuinerni aammattaq allaffissornikkut sulisunik immikkut pisariaqartitsissaaq.

Aammattaq attavilersittussaataaneq isumaqarpoq, illunik piginnittut kuuffissuarmut attavilersinnikuunngitsut, illumik eqqaanni pingaarnertut kuuffissuarmut aqqummik pilersitsivioersuni, ukiut marluk iluanni attavilersittussaataaneq pillugu allagarsissasut.

Takuuk nalunaarut, attavilersinneq atuisussaataaasumit namminermit akilerneqassaaq. Taamaattorli sulisaasermi pisortat tapersersuineri aaqqiissutaasa kingunerissavaat, illunik piginnittut eqqugaasut annertunerusumik aningaasaqarnikkut kingunissanik eqqugaanaviannngitsut, illuni piginnittut pisortanit taarsigassarsisinaanermut periarfissat pillugit qinnuteqaateqarunik, aammalu pingaarnertut kuuffissuit aqqutaannut inatsitigut pisussaafiusunut attavilersinnissamut taarsigassarsitinneqarnissamik qinnuteqartup akuerineqarnissaa kommunalbestyrelsip salliutinissaa toqqarpagu. Perusersartarfinnut kuutsittakkanut kuuffissuarnut attavilertissinaanermut aammalu illunik tulluarsaanermut taarsigassarsisinneqarsinnaaneq 300.000 koruuninik qaffasinnerpaaffissaqarpoq, aammalu erniaqaratillu taarsersugassaanatik. Illuutillit ataasiakkaat aningaasartuutissaat ilaatigut tassaassapput pingaarnertut kuuffissuup aqqaata ungasissusissaata apeqqutaajumaartoq aammalu pissutsit assigiinngitsut, naliliineruvorli aningaasartuutit ataasiakkaat taarsigassarsinissamut qaffasissutsip iluaniikkumaartut.

Allaffeqarfiup kaammattuutigivaa, kuuffissuarnut tamanit atugassianut attavilersineq pillugu suliniutit, tapiiffigineqarnissamik qinnuteqaatinut atatillugu salliutinneqartassasut. Taakku saniatigut pisortanit taarsigassarsisinaanermut periarfissaqarpoq, tassami takuuk 2020-mi missingersuutit pillugit nalunaarusiaq, ukiuni 2021-2023-imi nutaamik sanaartukkanut, inissianik aningaasalersuinermit inatsimmi aalajangersakkat malillugit inissianik nutarsaanermut iluarsartuussinernullu kommunip taarsigassarsitsisarnissaanut ukiumut 18.769.000 immikkoortitaapput.

Imermik errortuivikumik pilersaarummi immikkoortoq 2.2.3 malillugu Maniitsumi, Sisimiuni Kangerlussuarmilu (imermik errortuivikumik pilersaarut taanna sumiiffinnut taakkuunnga pingasuinnanut atuuppoq) katillugit 3.580-nik inoqutigeeqarpoq, taakkunannga inoqutigiit 370 suli kuuffissuarmut attavilersinneqanngillat. Taarsigassarsitinneqarnissamik qinnuteqaatit pingaartumik pingaarnertut kuuffissuit aqqaataannut aqqutilersinnissamut aammalu perusersartarfinnik kuutsittakkanik ikkusuinissamut pingaarnertutinneqassappata, inoqutigiinnut/qinnuteqartumut ataatsimut 100.000 koruunit missaaniittunik aningaasartuuteqarnissaq naatsorsuutigineqarsinnaavoq. Imermik errortuivikumik pilersaarutip 2033 tungaanut ingerlanissaata ataanni pingaarnertut kuuffissuit aqqaataannut kuuffissuarnut attavilersinneqanngitsut tamarmik pisortanit taarsigassarsitinneqarnissamik qinnuteqassappata, taava sumiiffinni taakkunani kuuffissuarnut attavilersinnermit attuumassutilinni ukiumut missingersuutit 2,8 mio. koruunit pineqarput. Taamaallaat illut ukiut 20 sinnerlugit

pisoaassusillit pensionistillu, siunertamut pisortanit taarsigassarsitinneqarnissamut kisimik pissarsisinnaapput, taamaattumillu ilimanaateqanngilaq aningaasat qinnuteqaatigineqartut aningaasanik qulaaniittunik qaangiinissaat.

Aningaasat ukiut tamaasa missingersuutiniq suliaqarnermi nalimassarneqartarput aammalu Kommunalbestyrelsi taamaalilluni kuuffissuarnut attavilersittussaataitaanerup malitsigisaanik aningaasat tulluurtumik missingersuutini qaffannissaanut periarfissaqarpoq, taamaalillutik illunik piginnittut ataasiakkaat attavilersittussaataitaanerup peqquneqartut, siunertamut pisortanit taarsigassarsisinnaanermut periarfissaqarput. Illuutilinnut ataasiakkaanut annerpaamik taarsigassarsisinnaanermut periarfissap iluani kuuffissuarnut attavilersinnerit ataatsimut appariassasut nalilerneqarpoq.

Imermut errortuivikumut pilersaarutip kommunimut siunnersuutigivaa, pilersaaruseriorfiusup ingerlanerani inoqutigiinnut kuuffissuit aqquataanut tamanit atugassianut attavilinnut imermut errortuivikumut ukiumut akiliuteqartarnissamik atuutilersitsissasoq. Akiliutaasoq kommunip kuuffissuit aqquataaanik aserfallatsaaliinnermut ingerlatsinnermut aningaasartuutiniq tamakkiisumik ilaannakortumilluunniit matussutaassaaq. Sisimiuni, Maniitsumi Kangerlussuarmilu inoqutigiit/paaqqinnittarfiit/suliffeqarfiit kuuffissuarnut attavillit amerlassusaanik ingerlatsinnermi aningaasartuutiniq 100 procentimik agguataarinnermi, inoqutigiit/paaqqinnittarfik/suliffeqarfik ukiumut ingerlatsinnermut akiliutissaat ukiumut 482 koruuniussaaq, Qeqqata Kommunian tamakkerlugu 2020-2023-mi kuuffissuarnut ingerlatsinnermut ukiumut 1.644.000 koruunit aammalu inoqutigiit 3210 missaaniittut + suliffeqarfiit/paaqqinnittarfiit 200-t aningaasaliissutinit naatsorsorneqarluni. Akiliutissaq qanoq annertutigissanersoq 2022-mi missingersuutit pillugit eqqartuinnermi akinik aalajangersaanermut atatillugu aalajangiunneqarsinnaavoq.

Kuuffissualiornerit naammassiarnerini kommunip anartarfilerinnermut kuitsisarfinnullu ukiumut akiliutai, sumiiffinni pingasuni pineqartuni nungukkiartuaassapput. Ullumikkut ukiumut 2,4 mio. kr.-nik ingerlatsineq nalineqarpoq, atuisunit tapijutaasartut ilanngaatinagit.

Allaffeqarfiup naliliinera

Allaffeqarfiup nalilerpaa, Qeqqata Kommunian imermik errortuivikumik inaarutaasumik akuerisaasumik peqarnermigut, imermik errortuivikumik kommunip suliaqarneranut pilersaaruseriornermut tigussaasumik sakkussaqalissasoq. Pilersaarut imermik errortuivikumik maannakkut suliaqarnermik inissiivoq aammalu siunissami suliniutissanik pisarialinnik saqqummiilluni, tassunga ilanngullugit illoqarfinni kuuffissuit aqquataannik annertusaanermut piffissatut pilersaarut aammalu tassunga atasut sanaartornermut ingerlatsinnermullu immikkoortumi aningaasartuutissatut naatsorsuutigisat.

Innersuussut

Teknikkeqarnermut ataatsimiititaliamut, Aningaasaqarnermut ataatsimiititaliamut aammalu Kommunalbestyrelsimut akuereqqullugu innersuussutigineqarpoq,

- Imermut errortuivikumut pilersaarut 2021 - 2026 nutartigaasoq inaarutaasumik akuersissutigineqassasoq nalunaarutigineqarlunilu.
- Pingaarnertut kuuffissuarnut attavilersittussaataitaanerup malitsigisaanik kuuffissuarnut attavilersinneq pillugu kommunimit taarsigassarsiat pillugit qinnuteqaatit siunissami sallinneqartassasut
- Kuuffissuit aqquataannut pioreersunut tamanut attavilersinnermut akiliutissaq 2021-mi apriliip aallaqqaataaniit 0 koruuninut allanngortinneqassasoq.
- Ingerlatsinnermut tamakkiisumik ilaannakortumilluunniit matussusiinissamut illunut attavilikkanut imermik errortuivikumut ukiumut akiliutissaq 2022-mi missingersuutit pillugit eqqartuinnermut atatillugu ilanngunneqassasoq.

Aalajangiineq

ØU-mut KB-mullu suliareqqitassanngorlugu ingerlateqqinneqarnissaa Teknikkeqarnermut ataatsimiititaliap akuersissutigivaa

Ilannussat

1. 2020-mi oktobarip 29-ani KB ataatsimiinnerani Iermik errortuivikumik pilersaarut 2021 - 2026 siunnersuummik akuersissuteqarnermi immikkoortoq 8-mit imaqarniliaq
2. Tusarniaassummut akissuteqaatit tamarmik
3. Pilersaarutip ilaa 1 – Kuutsiffigisanut pissutsit GRL + DK
4. Pilersaarutip ilaa 2 – Kuuffissuit aqputaat GRL + DK
5. Pilersaarutip ilaa 3 – Kuuffissuarnik nutarsaaneq GRL + DK
6. Pilersaarutip ilaa 4 – Anartarfilerisarneq GRL + DK
7. Piffissatut pilersaarut: suliniutit aningaasaqarnerlu
8. Nunap assingi: S-1, M-1 aamma K-1.
9. Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq.

Imm. 4.3 Aalisartut ilitsivii

Journal nr.

Tunuliaqutaq

Allaffeqarfik oktober-ip aallartinnerani aalisartut aqqutaanni ilisarpassuarnik container-inillu akuersissutitaqanngitsumik inissinneqarsimasunik paaqqusilluni allagartalersuivoq inuttassarsiuinikkut ingerlanneqartumik. Tamatuma kingorna aalisartut piniartullu ataatsimeeqatigineqarput Maniitsumi politikkerinit Ruth Heilmann-imit Siverth K. Heilmann-imillu peqataaffigineqartumik. Ataatsimiinnermi aalisartut piniartullu oqariartuuteqarput piniutinik paaasitsisoqartinnagu kommuni piniutinut inissiiffissamik neqerooruteqaqqaartariaqartoq. imaqarniliaq ilanngussaq 1-imi takuuk.

Maleruagassatigut tunngavissat

Pilersaarusiorneq aamma nunamiinertat atorneqartarnerat pillugit Inatsisartut inatsisaat nr. 17, 17. November 2010-meersaq.

Illoqarfiup iluani pilersaarut 700-B4

Illuliornermi malittarisassat BR06

Pissutsit atuuttut

Ukiuni kingullerni aalisartut piniartullu talittarfigisaanni neqitsersuisarfiup eqqaani aalisartut piniartullu atortuutiminnik piniuterpasuarnik assigisaanillu inissiisarneq atugaraat. Piniutit pingaartumik saarullinnik uumatitsiveqarnerup atuutilerneraniik amerleriarujussuarsimasutut taaneqartut inissiiffissaaleqissunneqartarput, sapinngisamik sissamut qanittumut piginnittuniit inissinneqarusuttarmata.

Container-it, kar-it, motor-ikut, allunaasat, piniutit assigisaallu qaleriiaallugit aqquerngup neqitsersuisarfiullu akornginut eqqaanullu inississorneqarsimapput nunaminertamut atuinissamut akuersissutigineqarsimannngitsumik.

Allaffeqarfiup containerinik paaqqusinerminut nuussiffiusinnaasutut neqeroorutigaa containerinut inissiivissaq eqalugaliup tungaanut aqquerngup sinaani inissisimasoq, taannali aalisartunit piniartunillu piumaneqanngilaq sissamiit ungasippallaarnera pissutigalugu.

Sissamut qanittumi nunaminertamik pequusiviusinnaasumik kommuni neqeroorutissaqanngingajappoq, nunaminertat sissamut qanittut atugassiissutitut agguanneqareersimammata. Ilisivinnik pilersitsiffiusinnaasut nunaminertat neqitsersuisarfiup saniani containerinut inissiiffiusimasut, kiisalu Talunnguit periarfissatut taaneqarput, Talunnguani illorsuup toqqavikua beton-iusoq ilitsivisamik matoqqasumik nappaaffigineqarsinnaasooq taaneqarluni.

Aalisartut ataatsimeeqatigineranni periarfissatut misissugassatut aalisartuniik siunnersuutigineqartoq fabrikkiimi illut nutaanngitsut eqqaata ilisivigineqarsinnaanera pillugu allaffeqarfik Royal Greenland-imut saaffiginnissuteqarpoq, paasissutissiisoqarporli illut eqqaat tamarmi Royal Greenland-imit pilersaaruteqarfigineqartoq taamaattumillu aalisartut atortuutaanik aamma paaasitsisoqarsimasoq.

Containerinut inissiisimasut ilai nunaminertamik inissiiffigisimasaminnut nunaminertanik atuinissamik akuersissummik tunineqaannarsinnaanerat periarfissaavoq, kisianni Illuliornermi malittarisassat-ni ungasissusissamut piumasaqaataasut avaqqunneqarsinnaanngimmata pinngitsooratik taama angitigisumik containeriutillit ilai paaasariaqassapput illuniik minnerpaamik 2 meter-inik ungasissusiliisimanissaq piumasaqaataammat. Taamatullu aaliangertoqassappat piniutit qaleriiaaginnarlugit iliorarneqartarnerisa ¹⁴

unitsinnissaat anguneqarsinnaanngilaq, inissiffissaaleqineq millinaviannngimmat containerit ikinnerulernerisigut.

Aalisartut peqatigiiffianit MAPP-imit paasissutissiissutigineqarpoq ilaasortat 48-rut toqqorsiviusinnaasunik pisariaqartisuusut.

Aalisartut piniartullu ataatsimeeqartigineqarneranni ilitsiveqarneq pillugu suleqatigiissitamik pilersitsisoqassasoq aaliangiunneqarpoq, kikkunnilli inuttaqassanersoq aaliangerneqarani. Ataatsimiinnermi imaqarniliaq ilanngussaq 1-imi takuuk.

Aalisartunut piniartunullu kommunimit ullumikkut Maniitsumi neqeroorutaasut ukuupput:

- Neqitsersuisarfik
- Kalaalimineerniarfik
- Umiatsiaaqqerivik
- Tinutitittarfik
- Puttasut
- Quit
- Kraneq

Atuilluartuunissakkut kingunerisinnaasai

Aalisartut piniartullu kalaaliminernik pilersuineri aalisakkanillu tulaassuineri pinngitsoorneqarsinnaanngillat. Torersumik aaqqissuussamillu toqqorsiveqartinneqarnissaat atuilluartuunerussaaq, aamma illoqarfiup torernerunissaa eqqarsaatigalugu.

Aningaasaqarnikkut allaffissornikkullu kingunerisinnaasai

Containerinik inissimasuutillit nunaminertamik akuersissummik tunineqarpata kommunimut aningaasatigut kinguneqassanngilaq.

Nunaminertani periarfissatut taaneqartuni toqqorsivissanik sanasoqassappat kommuni sanaartortitsinermut aningaasalisariaqassaaq, illorsuup angissusaata sumiissaneratalu aaliangereerneqarnerani missingersorneqarsinnaasumik.

Toqqorsiviusumik pilersitsisoqassappat aalisartut piniartullu attartornermut ukiumut akiliuteqartinneqarsinnaapput, soorlu kalaalimineerniarfiup eqqaani quit attartorneqarsinnaasut ukiumoortumik akiliuteqarfigineqartartut. Toqqorsiviliortoqarnissaa siunniunneqassappat immikkut aningaasaliisoqartariaqassaaq toqqorsivimmik pilersitsisoqarnissaa aningaasaliissutigineqarnikuunngimmat.

Allaffeqarfiup naliliinera

Piniutinik atortuutinillu qaleriaariinnarluni ilioraaneq pigisanut aserorsaataallunilu isikkuminaatsuvoq pissusissamisoranilu. Ukiorpasuit ileqquliutiinnarneqarsimasoq iliuseqarfigineqartariaqartoq allaffeqarfimmiik ornigineqarpoq illoqarfimmi torersuutitsinissaq siunertarineqartariaqarmat.

Toqqorsivinnik pilersitsinissamut immikkut aningaasaliineq anguneqanngippat ilitsiveqarneq ajorseriarnerussaaq containerit illunut qaninnerit peerneqartariaqarmata.

Innersuussut

Teknikkimut Avatangiisinullu Immikkoortortap Teknikkimut avatangiisinullu ataatsimiititaliamut innersuussutigaa suleqatigiissitamik pilersitsisoqassasoq inuttaliisoqassasorlu, suleqatigiissitap sulineratigut aaqqiinissaq tamanut naammaginnerpaaq anguniarlugu.

Aalajangiineq

Teknikkeqarnermut ataatsimiititaliap innersuussut akuersissutigivaa kiisalu suleqatigiissitami Gedion Lyberth (Uppernarsivoq), Siverth K. Heilmann (uppernarsilaassaaq), Ulrik Lyberth (uppernarsivoq), MUAPP aallartitaa (uppernarsilaassaaq, MAPP aallartitaa (uppernarsilaassaaq) ilaasortaassasut.

Ilanngussat

- 1 Ataatsimiinnermit imaqarniliaq.

Imm. 4.4 Ukioq 2021-mi Maniitsumi Sisimiunilu kuuffissuarnut nutaanut aningaasaliissutinik agguataarineq.

Journalnr. 25.03.00 suliniut nr. 500152.

Tunuliaqutaq

Suliniut nr. 500152 ”Kuuffissuit nutaat, ataatsimoorussat”-nut Maniitsumi Sisimiunilu nutaanik kuuffissualersuisitsinissamat 2021-mut missingersuutitut 6.000.000 koruunit immikkoortinneqarnikuupput.

Maniitsumi Sisimiunilu kuuffissuarnik suliaqarneq sallinneqarluni imermik mingunnikumik pilersaarut politikikkut akuersissutigineqannginnerani 2021-mi januaarip 11-ata tungaanut tamanut tusarnutigineqarpoq, taamaalilluni aasaanerani kuuffissuarnik suliaqarnissap neqeroortutigineqarnissaa sioqqullugu akuersissutigineqarsinnaanani.

Ukiumut 2021-mut kuffissuarnut nutaanut aningaasaliissutinik agguataarineq TA ataatsimiinnerani 01 21 imm. 4-tut suliarineqarpoq.

Maleruagassatigut tunngavigisaq

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq maleruagassatigut tunngaviuvoq.

Kuuffissuit aqqaannik annertusaaneq kommunip pilersaarusiornermi periusissiaani Avatangiisinut tunngasuni "illoqarfinni kuuffissuarnik annertusaaneq nangeqqikkusupparput aammalu innuttaasut illuutaasa attavilernissaat qulakkiissavarput"-mut naapertuuppoq.

Maniitsumi pissutsit atuuttut

Maniitsumi pingaarnertut kuuffissuarmik nutaamik pisariaqartitsisoqarmat, 2020-mi Ivissuiarnut pingaarnertut kuuffissuarmik nutaamik pilersitsinissaq aallartinneqarpoq. Immikkoortoq 1 naammassineqareerpoq, immikkoortoq 2-llu upernaamut aallartinneqarnissaa naatsorsuutigineqarluni.

Imermik mingunnikumut pilersaarut akuersissutigineqassappat, suliniutitut naatsorsuutigineqartoq tulliusoq tassaavoq, illoqarfiup qiterpasissuani kuuffissualersuineq. Imermik mingunnikumik pilersaarut naapertorlugu suliniut immikkoortunut aqqaneq-marlunnut aggulugaavoq, 2030-llu tungaanut ingerlanissaa naatsorsuutigineqarluni, tamatuma kingorna Maniitsoq tamarmi kuuffissualersorsimassalluni. 2021-mi avannamut-kippasissortaani kuuffissualersuinnermut suliniutip ingerlanneqarnissaa kiisalu Qaqqaralaap tungaanut maqitsivilerlugu annanik kueraavinnit pingaarnertut kuuffissuup tallilerneqarnissaanut Immikkoortoq 1-ip suliarineqarnissaa naatsorsuutigineqarpoq.

Sisimiuni pissutsit atuuttut

Sisimiuni najugaqarfiit arlaqartut kuuffissualersorneqarnissaat amigaataavoq, immikkoortut ilarpaaluini illut pioreersut eqqaanni qaqqamik qaartitereqqaarnissamik aammalu maqitsivinnik pilersitsinissaq pisariaqassalluni.

Kaaliikassaap Aqqaataani kuuffissualersuinnermi meterimut akit naatsorsuinnermut tunngavigalugit (aqquernup ataani kuuffissualersuinnermut qaartiterinerit ilanngullugit) aammalu Aqissilimmi kuuffissualersuinnermi meterimut akit naatsorsuinnermut tunngavigalugit (kuuffissuit qaarsumiittut nunamik qallersorlugit) Guutaap Aqqaataa eqqaani kuuffissuaq pingaarnertut 47m takitigisumut pingasunillu katiffilimmut 329.000 koruunit missaani akeqassaaq (ilanngussaq 3) aammalu Nasiffiup eqqaani kuuffissuaq pingaarnertut 110m takitigisumut arfineq-pingasunillu katiffilimmut 1.450.000 koruunit missaani akeqassalluni (ilanngussaq 4). Kaaleeqqap Aqqaataa aammalu Berthelsenip Aqqaataa eqqaani arfineq-pingasunik katiffeqarluni kuuffissuaq pingaarneq 145m takitigisoq 1.026.000 koruuninik akeqassaaq (ilanngussaq 5).

17

Nalunnguarfiup tungaanut nuna appassisuummat, Paamaap Kuuata aammalu Nalunnguarfiup atuarfiata eqqaani maqitsivimmik pilersitsinissaq pisariaqassaaq. Tamanna siunnersorteqarnissamik pisariaqartitsivoq, 2021-milu januaarip 18-iani neqeroortitsinermik ingerlataqarsimavugut, suliffeqarfillu akikinnerpaamik neqerooruteqartoq 295.000 koruuninik neqerooruteqarpoq. Pilersaarusiorneq naammassineqariarpat, Immikkoortoq 4 (Paamaap Kuuu-Piitarsuup Aqq. -Kunuuteralaap Aqq.) aammalu Immikkoortoq 9 (Nalunnguarfiup atuarfia-Jaakunnguup Aqq.) imermik mingunnikumik pilersaarut naapertorlugu ataatsimoortillugit neqeroortitsisoqassalluni.

Ukiumi 2021-mi Sisimiuni kuuffissuarnut talliliinernut pingasuusunut sanaartornermut siunnersortinnermullu aki tamakkiisooq katillugit 3.1 mil. koruunit missaaniippoq.

Guutaap Aqqutaa pisoqaanersunik illoqarluni immikkoortoq najugaqarfiuvoq, illut marluk anartarfinnik puussialertakkanik, illulu ataaseq tankimik katersuivittaqarluni. Pingaarnertut kuuffissuaq periarfissaqartillugu nunamik qallerneqassaaq. Nasiffimmut inuussutissarsiorfimmik illumik ataatsimik (Allorfik) tankimik katersuivittaqartumik, illut pingasut anartarfimmik puussialertakkamik aammalu illut marluk tankimik katersuivilinnik peqarpoq. Ugulukutsut (illut uiguleriaat) illut ataatigut kuuffissualigaapput, tamannalu Kommunimi ”Immikkuualuttunut pilersaarutinut aalajangersakkat”-nut akerliuvoq: ”Pissutsinik immikkut pisoqartinnagu, nunaminertaq ledningit qaaviniittoq sanaartorfigeqqusaanngilaq artukkerneqaqqusaananilluunnit” ([Immikkuualuttunut pilersaarutinut aalajangersakkat \(odeum.com\)](#)). Tamatuma saniatigut ruujorit illut ataaniittunik saliiniarneq ajornakusoorluni, aammalu ruujorit milittooratarnernanni naqqumi qarsutsinikkut atortulersuutininik ajoquseeratarsinnaalluni. Pingaarnertut kuuffissuarmik pilersitsinerup kingorna, illut uiguleriaat attavilersinnerat inatsisinut naapertuuttunngortitsisoqarsinnaassaaq. Kuuffissuit pingaarnertit aqputaat nutaaq nunap qaavatiigoorlunilu iluatigoortuussaaq – kuuffissuit aqputaat katiffiillu matoorsinnaajumallugit, aqquerngup/biilit inissiiviisa eqqaani qaarsoq qaartiterneqassaaq. Kaaleeqqap Aqq. aamma Berthelsenip Aqq. immikkoortuupput najugaqarfiit, tassani illu ataatsimi anartarfik puussiartaliigaalluni, illullu sisamat tankinik katersuiveqarlutik. Immikkoortumi minnerusuni taakkkunani marluusuni kuuffissualersuinissamat, aqquerngup eqqaani qaartitserinissamik pisariaqartitsissaaq. Paamaap Kuuu aammalu Nalunnguarfiup Atuarfia immikkoortut eqqaani kuuffissualersuinissaq pingaarnertut attaviup matoorneqartussanngorlugu/qaartitgassanngorlugu suliniutitut pilersaarusiorneqassaaq.

Atuilluartuunissakkut kingunerisinnaasai

Pingaarnertut kuuffissualiinermik pilersitsinikkut najugaqartut septiktankinik atuijunnaarnissamat periarfissaqalissapput, perusersartarfimmit imikumik kuutsitsinermut anartarfilerisarnermut aaqqiinermut periarfissalluni. Kuuffissualiinermi aamma imermik mingunnikumik maangaanaq kuutsitsisoqartarunnaarnissaanut periarfissiissaaq.

Aningaasaqarnikkut allaffissornikkullu kingunerisinaasai

Maniitsoq:

Suliniuummut siunnersuut missiliummik C-mik imaqartoq 2021-mi januaarip arfineq-aappaani Masanti-mit tiguneqarpoq. Maniitsup avannaatungaata-kippasissuani pingaarnertut kuuffissuarmut nutaamut immikkoortunut tamanut inaarutaasumik aki 20.430.000 koruuninik missiliumneqarluni naatsorsuutigineqarpoq. Suliniuummut siunnersuummut oqaaseqaatit Masanti-mit ilanngunneqarput, akimullu missiliuut nutaaq suliarineqarluni.

**Teknikkeqarnermut ataatsimiititaliap februar-ip 4-ni 2021 ileqquusumik ataatsimiinnerani 01/2021
imaqarniliaq**

Sisimiut:

Saaliimiip Aqq. aamma Siimuup Aqq. kiisalu Mukkup Aqq. pingaarnertut kuuffissuup tallilernerqarnera 2020-mi aallartinneqarpoq, 2021-milu naammassineqassalluni.

Tulliuttutut takutinneqartumi 2021-mi kuuffissuarnut nutaanut aningaasaliissutit agguataarneqarnerani, Maniitsumi Ivissuit tungaanut kuuffissualersuinerup immikkoortua 2 naammassineqarsinnaavoq, Sisimiunilu Guutaq Aqq., Nasiffik aammalu Kaaleeqqap/Berthelsenip aqq. kuuffissualersuinerit kiisalu Paamaap Kuuata Nalunnguarfiup atuarfiatalu eqqaani kuuffissualersuinissamut pilersaarusionerit ingerlanneqarsinnaallutik.

2021-mut missingersuutit, Kuuffissuit nutaat, 1000 kr.

Immikkoortortaarfik	Sumiiffik	Suliassap nr.	Atuiffiup taagutaa	Aningaas.	Ilassut	Nutaamik aningaasaliineq
562040600	010500	500152	Kuuffissuit nutaat, ataatsimut	6.000	-6.000	0
562040600	010580	500153	Sisimiuni kuuffissuit nutaat	0	3.100	3.100
563040600	010570	500154	Maniitsumi kuuffissuit nutaat	0	2.900	2.900
			Katillugit	6.000	0	6.000

Allaffeqarfiup naliliinera

Sisimiuni Guutaap Aqqutaani kuuffissuup tallilernerqarneratigut, illunut pingasunut attaviliinissamut periarfissiisaaq, Nasiffimmuut kuuffissuup tallilernerqarneratigut illunut tallimanut inuussutissarsiortumullu ataatsimut attaviliinissamut periarfissiisaaq kiisalu Kaaleeqqap aqq. aamma Berthelsenip aqq. kuuffissuup tallilernerqarneratigut illunut sisamanut attaviliinissamik periarfissiisaaq. Ilutigitillugu illoqarfiup qiterpasissortaata ilaani imermik mingunnikumik kuutsitsineq ingammik Mukkup Aqq. eqqarsaatigalugu annikillissaaq. Paamaap Kuuata Nalunnguarfiup Atuarfiatalu immikkoortua pilersaarut naapertorlugu kuuffissualersorneqarpat, illut 44-it attavilerneqarsinnaalissapput.

Imermik mingunnikumut pilersaarut naapertorlugu, Maniitsumi kuuffissualersuinissamut pilersaarusionerit, Maniitsoq tamakkerlugu 2030-mi naammassineqarluni kuuffissualersuinissamut tunngaviliisaaq.

Imermik mingunnikumik pilersaarut naapertorlu kuuffissualersuinerimut suliassat siunnersuutaapput, taakkuuppullu kuuffissualersuinerimut aningaasartuuteqarnermut iluaqutaanerususaaq.

Innersuussut

Teknikkeqarnermut ataatsimiititaliamut aammalu Aningaasaqarnermut ataatsimiititaliamut innersuussutigineqarpoq:

Kuuffissuarnut nutaanut aningaasanut killiliussat tamakkiisut Sisimiut illoqarfianut 3.1 mio. koruuninik aammalu Maniitsum illoqarfianut 2.9 mio. koruuninik agguataarneqassasut, eqitsimmi uani takutinneqartutut.

Imermut mingunnikumut pilersaarut naapertorlugu Maniitsumi kuuffissuarnut pilersaarusiorneq ingerlanneqassasoq.

Sisimiuni Guutaap Aqq. Nasiffimmut aamma Kaaleeqqap Aqq. & Berthelsenip Aqq. 2021-mi kuuffissuit tallilerneqassasut kiisalu Paamaap Kuua aamma Nalunnguarfiup Atuarfiata immikkoortuani pilersaarusiortoqassasoq.

Aalajangiineq

ØU-mi suliareqqitassanngorlugu innersuussut Teknikkeqarnermut ataatsimiititaliap akuersissutigivaa

Ilanngussat

1. Maniitsumi avannamut-kippasissumi aqcutit ingerlaarfiinik nunap assinga
2. Maniitsumi Ivissuarnut aqcutit ingerlaarfiinik nunap assinga
3. Sisimiuni Guutaap Aqqutaani kuuffissuit aqcutaannik nunap assinga
4. Sisimiuni Nasiffimmut kuuffissuit aqcutaannik nunap assinga
5. Kaaleeqqap Aqq. & Berthelsenip Aqq. kuuffissuit aqcutaannik nunap assinga.

**Imm. 6.1 2021-mi ukiuunerani piniarnermut atatillugu nunaannarmi angallannissamut
immikkut akuersissut**

Journalnr. 00.49

Tunuliaqutaq

2020-mi decembarip 21-ani Aalisarnermut, Piniarnermut Nunalerinermullu Naalackersuisoqarfiup allakkatigut nalunaarutigivaa, Kangerlussuup eqqaani ukiuunerani piniarnermut atatillugu ukiuunerani piniartarnernut siuliinut tunngatillugu arlalinnik allannguuteqassasoq.

Allannguutit ilaat isumaqarput, Kangerlussuup avannaatungaani piniarfik 5 nutaami inuussutissarsiutigalugu piniartunut aammalu Kangerlussuup kangerluata kujataatungaani piniarfik 3-p ilaani sinerissami qanittumi sunngiffimmi piniartunut piniarnissaq periarfissaassappat, nunaannarmi motorilinnik angallassissutinut Qeqqata Kommunia immikkut akuersissuteqarpat tulluartsuussasoq.

Maleruagassatigut tunngavigisaq:

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.

Assartuutit motoorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersoq

Qamutit motoorillit Qeqqata Kommuniani nunaannarmi angallassissutiginnissaat pillugu ileqqoreqqusaq. Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq

Namminersorlutik Oqartussat nalunaarutaat nr. 1, ulloq 30. januar 2018-imeersoq, kulturikkut eriagisassat allat pillugit sumiiffimmik Kalaallit Nunaata kitaanii Aasivissuit - Nipisallu eqqaanni

Kulturikkut kingornussat sumiiffinni kulturikkut oqaluttuarisaanermut tunngasut inissisimaffigisaanni ingerlatat sunniutaasa nalilersorneqartarnerat pillugu Namminersorlutik Oqartussat nalunaarutaat nr 38, 1. oktober 2020-meersoq.

Pissutsit atuuttut

2021-mi ukiuuneranut nunap immikkoortuini tutturnik umimmannillu piniarnissamut piffissatut pisassiissutsinillu siunnersuut pillugu tusarniaanermi atortussat Aalisarnermut, Piniarnermut Nunalerinermullu Naalackersuisoqarfiup 2020-mi novembarip arfernani tusarniaasarfimminut ikkuppai, 2020-mi decembarip qulingiluaani tusarniaanermut akissuteqarnissamut piffissalerlugit. på sin høringsportal med høringsfrist d 9 december 2020.

Tusarniaanermi atortut Kangerlussuup eqqaani suliniutinik nutaanik ilaqarput, taakkununga ilanngullugit ulluni qulini sivisussusilikkamik pisassiissuteqarneq, piniarfimmi ataatsimi piniartoq ataaseq pisassiissuteqassaaq, ukiut pingasut matoqqatitserernerup kingorna piniarfimmik 2-mik ammaqqiineq, Kangerlussuup avannaatungaani piniarfik nutaaq 5-imik ammaaneq aammalu kingullertut taaneqartumut atatillugu angallassinissamut aqputinut nutaanut siunnersuut.

Qeqqata Kommunia tusarniaanerup ingerlanerani aalisartut aamma piniartut peqatigiiffiinit paasiniaapput, tusarniaanermilu akissuteqaammuni oqaatigalugu, suliniutaasunit amerlasuut pitsaasuusut, aammali Kangerlussuup ingerlatsivigineqarnissaa pillugu sulinermi Namminersorlutik Oqartussani naalackersuisoqarfiit assigiinngitsut aamma kommunip akornanni suleqatigiilluni siunnersuutit ataqatigiissaarneqarsimanginnerat ajorluni. Siunnersuutit ilaat unammillernartunik imaqarpoq, ingammik piniarfik 5-mut angallannermi aqputissanut siunnersuut kulturikkut eqqaassutissanut

inatsimmik akerliusuusooq. Tusarniaanermi illuatungerisat, ingammik nunatta katersugaasiviata aammattaaq oqaaseqaateqarfivaa.

Qeqqata Kommunია Aalisarnermut, Piniarnermut Nunalerinermullu Naalackersuisoqarfimmit pissarsiassanik eqqartuillunilu paasissutissanik piniarpoq, aammalu Pingu-mi nuna qatsissoq aqqusaarlugu piniarfik 5-imut assartuinnermut aqutissamik aammalu piniarfik 3 sunngiffimmi piniartut appakaannissaannut qamutirik motorilinnik angallassisutinut periarfissalimmik unioqutitsinngitsumik siunnersuuteqarluni.

2020-mi decembarip 21-ani Aalisarnermut, Piniarnermut Nunalerinermullu Naalackersuisoqarfiup nalunaarutigivaa, piniarfik 5 inuussutissarsiutigalugu piniartunut umimmannik katillugit 150-inik pisassalerlugu ammarneqartoq. Naalackersuisoqarfiup ilutigitillugu nalunaarutigivaa, nunatamut nunatamiillu angallanneq kommunip angallannermut ileqqoreqqusaanut naapertuuttumik pissasoq. Naalackersuisoqarfiup nalunaarutaa ilutigitillugu piniarfiup 3-p ilaani sinerissap qanittuani sunngiffimi piniartunut pisassiisuteqarsinnaanermut periarfissamik imaqarpoq.

Kangerlussuup ingerlatsivigineqarnissaanut pilersaarummi imaluunniit Qeqqata Kommuniata angallannermut ileqqoreqqusaani Kangerlussuup avannaatungaani qamutirik motorilinnik angallassinisaaq ilanngunneqarnikuunngilaq, taamaattumik tassunga immikkut akuersissuteqartoqarnissaa pisariaqartinneqarpoq. Soorluttaaq angallannissamut ileqqoreqqusaq piniarfik 3-mi sunngiffimmi piniartut qamuterallannik ATV-nilluunniit ingerlanissamut periarfissinngitsooq. Taamaalluni tassunga immikkut akuersissuteqarnissamut pisariaqartitsisoqarpoq.

Aammattaaq aalisartut piniartullu peqatigiiffiisa maluginiaqquvaat, Pingu-p qatsissortaani assartuiffissatut aqutissatut siunnersuutaasooq takisuujusoq, tamatumalu Sisimiunut Kangerlussuarmulluunniit ullup ataatsip ingerlanerani siumut utimullu ingerlanisaaq ajornakusoortippaa. Piniarfik 5-imi eqqaaniluunniit illuaraqanngimmat ingammik unammillernartuuvoq, soorluttaaq qamutirik oqimaatsunik Sisimiunut aamma/imaluunniit Kangerlussuarmut ingerlanisaaq ajornakusoortuusooq, Isortup kuuanii qummukariap sivinganera pissutaalluni.

Aalisartut piniartullu peqatigiiffiisa Kangerlussuarmut aamma piniarfik 5-imut assartuinnermi aqutissanik toqqaannartunik arlalinnik siunnersuuteqarnikuupput, aammalu taassuminnga nunatamik atuisunik sumiiffinnik ilisimannittunik oqaloqateqartoqarnikuusooq. Siunnersuutaasut amerlanersaat Isortup kuuanit qummukariap sivingavallaartut paasineqarpoq. Maannakkut siunnersuutit marluk misissorluarneqarput, kisiani siunnersuutit marluusut qanganisat eqqaassutissanut inatsisip aamma Aasivissuit-Nipisat aamma kulturikkut kingornussat sumiiffinni kulturikkut oqaluttuarisaanermut tunngasut pillugit inatsisip malitsigisaanit Nunatta Katersugaasivia Allagaateqarfianiillu akuerineqarnissamik imaqarpoq.

Borgmesteri Malik Berthelsen 2021-mi januaarip 14-iani piniarfik 5-imut assartuinnermut aqutitut marluusunut immikkut akuersissuteqartoqarnissaa pillugu Nunatta Katersugaasivia Allagaateqarfianullu qinnuteqaateqarpoq. Utaqqiissaa nunaqarfinni aqutsisut ataanni aallartitap Johan Lange assartuinissamut aqqummut siunnersuutit kangisissortaa januaarip 15-iani misissuiffigivaa aammalu paasillugu isortup kuuanut qummut amnullu qamutirik motorilinnik angallassisutinik ingerlanissamut tunngatillugu aqut sivingavallaartoq.

Nunatta Katersugaasivia Allagaateqarfialu suliaq nukinginnartut suliarivaa, Allannngutsaaliuinissamut Ataatsimiititaliap januaarip 18-ani ataatsimiinnissamut aammalu UNESCO aqutsisoqatigiit januaarip 19-iani ataatsimeeqatiginissaanut aggersarneri ilanngullugit. Taamaattumik Nunatta Katersugaasivia

Allagaateqarfialu januaarip 20-ani borgmesterimut akissuteqarpoq, piffissami 2021-mi januaarip 25-aniit februaarip 23-ata tungaanut ataasiartumik akuersissuteqarneq piffissaq qaninnerusumi annikitsuinnarmik sunniuteqassasoq, Allangutsaaliuinerimut Ataatsimiititaliaq aamma UNESCO aqutsisoqatigiit isumaqatigiimmata, Aasivissuit nunataat aqqusaarlugu angallannissamut ataasiartumik immikkut akuersissuteqartoqarsinnaasoq.

Nunatta Katersugaasivia Allagaateqarfialu piumasagaatit arfinillit tullinnguuttut kommuip naammassagai piumasagaatigivai:

1. Una tassaavoq **ataasiartumik immikkut akuersissut**, aammalu ukiuni aggersuni UNESCO-p nunarsuarmut kingornussassaqaarfia Aasivissuit-Nipisat aqqusaarlugit Piniarfik 5-imut ukiuunerani assartuisarnissamut aqutissamik periarfissamik nassaarniarnissamut kommuni aaqqiinissamik aalajangiissaaq.
2. Isortup kuuanut ingerlasoq qooroq aqqusaarlugu ingerlavissiaagallartumik appakaaffissaq atuinissarlu ilisarnaartunik napasunilluunniit atortoqarluni piniartunut ersarissarneqartariaqaralarpoq, aqqumik pisortatigoortumik ammaanissaq sioqqullugu inissinneqarsimasunik aammalu ilanngussaq 1-imi NKA-p saqqummiussaa nunap assinganik aallaavilimmik.
3. Ukiuunerani aqutissiaagallartumik atuineq aquteqarneranik pinngitsuuisinnaangilaq, tamannalu isumaqarpoq, aqqut aputip itissusaa qamuterallannik angallannerimut tulluarpat taamaallaat atorneqartariaqaralarpoq. Silap kiassusaa 0°C-mik kianneruppat aqqut atorneqartariaqanngikkalarpoq aammalu aqqutit nunatani naammattumik aputilimmi inissinneqassaaq, naanerit issorlu nunap iluaniittut pisariaqanngitsumik ajoqusersinnaaneri pinngitsoortinniarlugit. Aqqut sinerlugu sumiiffinni ataasiakkaani aqutissiaq sanimut 10 meter sinnersimassanngilaa.
4. Kommuni pilersaarusiornermullu oqartussaqaarfik isumaqatigiippat, 2021-imi januaarip 25-ata aamma februaarip 23-ata akornanni aqutissamik piniartut qamuterannillu atuisut amerlassusaat (1) aamma angalanerup akulikissusaa (2) pillugit NKA-mut aamma aqutsisoqatigiinnut nalunaarusiamik saqqummiisoqassasoq. Kommuni aammattaaq isumaqataavoq, pigisap OUV-anik sunniinermik nakkutilliinissaq aningaasalersorniarlugu, 2021-imi februaarip 23-ata kingornalu nunatami aqutissamik unioqqutitsilluni atuisoqannginnissaa qulakkeerniarlugu.
5. Aqqummik atuisunit piniartunit nunatami eqqakkanik qimatsisoqaaqusaananilu inissiisoqaaqusaanngilaq, tamanna orsussanut atortunullu peqqumaasivinnut aamma atuuppoq. UNESCO-qarfiup killeqarfiata iluani assartuinernik imaqarnikunik siunissami kommunip pilersaarusiornissai tamarmik, NKA-mik, Aasivissuit-Nipisat Management-imik aammalu aqutsisoqatigiinnik aamma immikkoortup Outstanding Universal Value-nik (OUV) atuinerup qulakkeernissaanut akissusaaffimmik soqutigisaqatigiit allanik oqaloqateqarnikkut pisariaqaralarpoq. Siunnersuutit piffissami pitsaasumi saqqummiunneqartariaqaralarput aammalu nutarternissaanut pitsaakannersumik piffissalerlugit aamma (kulturikkut kingornussassanik eqqissisimatitsineq aamma allatigut kulturikut kingornussassanik illersuineq pillugu Inatsisartut inatsisaannik allannguneq pillugu Inatsisartut inatsisaat nr. 5, 12. juni 2019-imeersoq) nuna tamakkerlugu inatsimmi allassimasumi aamma kommunip pilersaarusiornermi atortussaani nassuiarneqartumi kiisalu kulturikkut kingornussaqarfinnut nunarsuaq tamakkerlugu ingerlatsinissamut pilersaarummik naapertuuttumik.

Atuilluartuunissakkut kingunerisinnaasai

Nujuartanik ingerlatsineq atuilluartoq imaqarpoq, Kangerlussuup avannaatungaani nunatani umimmaat amerligaluttuinnartut umimmannik piniarnermut pisassanik amerliartortunik

malitseqartariaqaraluarpoq. Illuatungaaticut atuilluarterunngilaq, Kangerlussuup avannaatungaanut nunatanut qamuteralaat ATV-llu appakaattassappata nunatamilu tuttuq umimmaallu akornusersorlugit. Ungasinnerusoq isigalugu aaqqiissutissamik nassaarnissamut tunngatillugu naalakkersuisoqarfiit tamarmik, kommuni soqutigisaqatigiillu akuutinneqarnissaat atuilluarteruvoq. Tamanna 2010-mi Kangerlussuup ingerlatsivigineqarnissaanut pilersaarummik suliaqarnermut tunngaviuvoq.

Aningaasaqarnikkut allaffissornikkullu kingunerisinaasai

Angallassissutitut motorilinnut immikkut akuersissummik suliaqarnermi kommunimut annertunerusumik aningaasaqarnikkut kingunissaqanngilaq. Nunatta Katersugaasivia Allagaateqarfiatalu piumasaqaatai naammassinissaanik arlalinnik unammillernartoqassaaq, naatsorsuutaasorli tassaavoq, Aalisarnermut, Piniarnermut Nunalerinermullu Naalakkersuisoqarfiup piniarnermut nakkutilliisuminnik Qeqqata Kommunian taassumalu park rangeria il.il. suliassat taakku suliarinissaannut ikiussagaat.

Kangerlussuup kujataatungaaniisuulli annertutigisumik Kangerlussuup avannaatungaani qamutiniq motorilinnik angallassineq annertutigilissappat, inuussutissarsititut assigiinngitsunut annertuumik aningaasaqarnikkut kinguneqarsinnaavoq. Annertuallaanik piniarnerup aammalu qamutiniq motorilinnik angallassinerup malitsigisaanik, Kangerlussuup kujataatungaani piniarfik ukiuni arlalinni eqqissisimatinnegarnikuuvoq. Taanna takornarialerisutuulli inuussutissarsitutigalugu piniarnermut ajortumik kinguneqarnikuuvoq, ilaatigut Kangerlussuup avannaatungaata nunataa nunatsinni tuttoqarfiit tuttullu piaqqiorfiisa annerpaartarimmassuk.

Allaffeqarfiup naliliinera

Allaffeqarfiup paasinninnerivaa, ukiuunerani piniarnermut qamutiniq motorilinnik angallannermut immikkut akuersissutaagallartunik tunniussineq pingaaruteqartoq. Ilutigitillugu 2022-mut ukiuunerani pinarnermut ungasinnerusoq isigalugu aaqqiissutissamik nassaarniarluni sulisoqartariaqarpoq, siunissamilu Namminersorlutik Oqartussanik suleqateqarluni aallartinneqarluni.

Allaffeqarfiup nalilerpaa, inuussutissarsitutigalugu piniartunut piniarfik 5-imi aammalu sunngiffimmi piniartunut piniarfiup 3-p ilaani sinerissamut qanittumi qamutiniq motorilinnik angallassinissamut immikkut akuersissummik kiisalu Aasivissuit aqquसारlugit Pingu qatsissortaa qulaalugu ingerlavissianik qamutiniq motorilinnik angallassinissamut immikkut akuersissummik tunniussisoqartariaqartoq.

Allaffeqarfiup nalilerpaa, piniarfik 5-imi inuussutissarsitutigalugu piniartut pisassinneqartut pisassanik tunniussineq ilutigalugu aqutissat pillugit nunap assinginik tunineqassasut aammalu taakku malitsinnissaannut ilitsersuunneqarlutik. Ilutigalugu pingaaruteqarpoq, piffissap ilaani sorlarni piniarfik 5-imi kikkut pisassinneqarsimanersut pillugit piniarnermut nakkutilliisut park ranger-ilu paasissutissanik nutartikkanik peqarnissaat.

Innersuussut

Borgmesterimit akuereqqullugu allaffeqarfiup innersuussutigaa,

- piffissami 2021-imi januaarip 25-aniit februaarip 23-ata tungaanut inuussutissarsitutigalugu piniartunut piniarfik 5-imi pisassalinnut piniarfik 5-imi qamutiniq motorilinnik angallassissutiniq angalanissamut aammalu tassunga ilanngussanut 7 aamma 8-mut naapertuuttumik angallavissanut marluusunut immikkut akuersissumik tunineqassasut

**Teknikkeqarnermut ataatsimiititaliap februar-ip 4-ni 2021 ileqquusumik ataatsimiinnerani 01/2021
imaqarniliaq**

- piffissami 2021-mi januaarip 25-aniit februaarip 23-ata tungaanut sunngiffimi piniartunut piniarfik 3-mi pisassalinnut ilanngussaq 9-mut naapertuuttumik piniarfik 3-p ilaani titartaqqasumi qamutinik motorilinnik angalanissamut immikkut akuersissumik tunineqassasut

Borgmesterip aalajangiinera

Kommunalbestyrelsi sinnerlugu borgmesteri aalajangiivoq innersuussutit akuersissutigalugit.

Kommunalbestyrelsi ataatsimiinnerup tullissaani ilisimatinneqassaaq.

Malik Berthelsen
Borgmesteri
21. januar 2020

Aaliangiineq

Ataatsimiititaliap aalajangiineq tusaatissatut tiguva

Ilanngussat

1. Qamutit motorillit Qeqqata Kommuniani nunaannarmi angallassissutiginnissaat pillugu ileqqoreqqusaq.
2. 2021 ukiuunerani tutunut umimmannullu piniarnissamut piffissat pisassiissutillu pillugit Aalisarnermut, Piniarnermut Nunalerinermullu Naalakkersuisoqarfiup tusarniaanermi nassuiaataa 2020-mi novembarip 6-ianeersoq:
2021-mi ukiuunerani tutunut umimmannullu piniarnissamut piffissat pisassiissutillu -
Tusarniaaneq - Naalakkersuisut
3. Qeqqata Kommuniata tusarniaanermi akissuteqaataa 9. decembari 2020-meersoq
4. 2021-mi ukiuunerani tutunut umimmannullu piniarnissamut piffissat pisassiissutillu pillugit Aalisarnermut, Piniarnermut Nunalerinermullu Naalakkersuisoqarfiup nalunaarutaa 21. decembari 2020-meersoq:
Ukiuunerani piniarneq 2021 Tutunut umimmannullu piniarnissamut piffissat pisassiissutillu -
Naalakkersuisut
5. Borgmesterip Nunatta Katersugaavisia Allagaateqarfianullu allagaa 14. januar 2021-meersoq
6. Nunatta Katersugaavisia Allagaateqarfiatalu borgmesterimut allagaa 20. januar 2021-meersoq
7. Piniarfik nutaaq 5
8. Piniarfik 5-imut inuussutissarsitigalugu piniartunut angalanermut aqutissianut siunnersuut
9. Sunngiffimmi piniartunut piniarfik 3-p ilaatut piniarfik nutaaq

**Imm. 6.2 2021-mi Kangerlussuup kujataani avannaanilu ukiuunerani umimmaat pisassiissutit
agguaanneqarnerat pillugu aalajangiineq.**

Journalnr.

Tunuliaqutaq

Ukiuunerani 2021-mi tuttunniarnissamut aamma umimmanniarnissamut piffissaliussat pisassiissutillu pillugit Aalisarnermut, Piniarnermut Nunalerinermullu Naalakkersuisoqarfiup susassaqartunut tamanut nalunaarutaa 21. december 2020-meersoq.

Qeqqata Kommuniani Maniitsup aqutsiveqarfiani Piniarfik 1-mi ukiuunerani umimmanniarnissamut umimmaat 75-it pisassiissutigineqarput.

Maleruagassatigut tunngavissaq

Namminersorlutik Oqartussat umimmaat illersugaanerat piniagaanerallu pillugit nalunaarutaat nr. 8, 27. juni 2013-imeersoq.

Pissutsit atuuttut

Ukiuunerani umimmanniarnissamut tulliuuttut pisassiissutigineqarput:

Piniarfik 1 = 75-it

Piniarfik 2 = 225-it

Piniarfik 3 = 30

Piniarfik 3-4 = 720-it

Piniarfik 5 = 150-it

2021-imi umimmattassiissutit piffissaliussallu pillugu Qeqqata Kommunian ukiuunerani umimmanniarnissaq pillugu 8. Januar 2021 Sisimiuni Maniitsumilu peqatigiiffiit pisassiissutit pillugit isumasiorlugit ataatsimeeqatigineqarput.

Ataatsimiinnermi erserpoq pisassiissutinik qanoq agguaassinissamut Sisimiut aqutsiveqarfianeersut aammalu Maniitsup aqutsiveqarfianeersut assigiinngitsunik agguaassinissamut siunnersuuteqartut. Inuutissarsiutigalugu piniartut peqatigiiffiisa saniatigut aamma sunngiffimmi piniarluttartut peqatigiiffiat peqataavoq isummersuutiminnillu saqqummiillutik.

Tusarniaavigineqartut piniartut Sisimiuneersut siunnersuutigivaat Qeqqata Kommuniani ukiuunerani umimmanniarniarlutik qinnuteqartut tamarmik assigiimmik pisassinneqassasut.

Piniartut Maniitsumeersut siunnersuutigivaat namminneq ukiuunerani umimmanniarnermi amerlanerusunik pisassinneqarnissartik, taamatullu piunasaqarnerminnut pissutaanerarpaat namminneq aningaasartuuteqarnerusarnertik.

Piniarfik 1-imi inuutissarsiutigalugu piniartunut aammalu sunngiffimmi piniarluttartunut qanoq avinnissaat apeqqutigineqarmat ukiut siuliini %-inngorlugit avittarnerinut allannguutissamik siunnersuuteqartoqanngilaq.

Qinnuteqartunut tamanut agguaassinissaq pillugu APNN-imiit pisassiineq ukiunut siuliinut sanilliullugu allaanerummat kommunimi piniartussanut tamanut qanoq pisassiissutit agguaanneqarunik

ajunnginnerussanersoq pillugu APNN 19.01.2021 isumasiorlugu oqarasuaatikkut ataatsimeeqatigineqarpoq piumaffigineqarlunilu periusaasinnaasumik siunnersuuteqaqqullugu.

Allaffeqarfiup naliliinera

APNN-ip 2021-imut ukiuunerani umimmattassanik pisassiinera ukiunut siuliinut naleqqiullugu allaanerunera pisassiissutinik agguaaassinissami pisariunerunera allaffeqarfimmi malugaarput, taamaammatt aaqqiiniarnermi ataatsimeeqatigiinnerit arlallit pisariaqarsimapput ukiuunerani umimmanniartussanut tamanut naammaginartumik agguaaassinissaq anguniarlugu. Allaffeqarfimmi isumaqatigiissutigaarput Teknikkeqarnermut ataatsimiititaliap siulittaasua qinigassillugu marlunnik assigiinngitsunik innersuussuteqarnissaq.

Innersuussut

1. Innersuussutigineqarpoq Qeqqata Kommuniani piniartut tamarmik assigiimmik 15-nik pisassinneqassasut. Sinneruttut makitsinikkut agguanneqassapput. Piniarfik 1-mi pisassiissutit inuutissarsiutigalugu sunngiffimmilu allagartalinnut 75/25%-mik avinneqassasut.

-imaluunniit

2. Innersuussutigineqarpoq Qeqqata Kommuniani piniartut tamarmik assigiimmik 15-inik pisassinneqassasut, aammalu sinneruttut Maniitsup aqutsiveqarfianut agguanneqassasut pisariaqarpat makitsinikkut. Piniarfik 1-mi pisassiissutit inuutissarsiutigalugu sunngiffimmilu allagartalinnut 75/25%-mik avineqassasut

Aalajangiineq

Ukioq 2021-mi ukiuunerani umimmanniarnermi pisassiissutinik agguaanermi Qeqqata Kommunian piniartut tunngaviumik assigiimmik periarfissaqarnissaat pingaartillugu siulittaasup innersuussut 1, tassa siulleq akueraa.

Teknikkeqarnermut ataatsimiititaliami suliarineqarnera:

Ataatsimiititaliap aalajangiineq tusaatissatut tiguva

Ilanngussat

1. Piniarnermut Naalakkersuisoqarfiup 2021-imi ukiuunerani tuttunniarnissamut aamma umimmanniarnissamut piffissaliussat pisassiissutillu pillugit susassaqtunut tamanut nalunaarutaa 21. december 2020-imeesoq.

Imm. 6.3 2021-imi qilalukkanik qaqortanillu pisassiissutit kommunimi agguaanissaat

Journalnr. 72.01.01.01

Tunuliaqutaq

2021-imi qilalukkanik qaqortanik qernertanillu pisassiissutit pillugit Aalisarnermut, Piniarnermut Nunalerinermullu Naalackersuisoqarfiup Tusagassiorfinnut nalunaarutaa 22.12.2020-meersoq.

Nalunaarutigineqarpoq Qeqqata Kommunianut qaqortat 52-it aammalu qernertat 6-it pisassiissutigineqartut.

Piffissaq piniarfissaq siulleq Januaarip 1-niit juni-p 30-at ilanngullugu sivisussuseqarpoq.

Piffissap piniarfissap aappaa Juulip 1-aniit Decemberip 31-at ilanngullugu sivisussuseqarpoq, piffissami siullermi sinnerussimasinnaasut killeqarfimmut 3-miit 5-imut saniatigooralugu pinaluttartunut inuussutissarsiutigalugulu piniartunut ammarneqassallutik, avannaani Savissivimmiit kujataani Narsarmijit tikillugit. Piniarfinnut killiliussat piffissap aappaani pisassiissutit ammaanqarpata atuutiinnarneqassapput.

Maleruagassatigut tunngavissaq

Qilalukkat illersugaanerat piniagaanerallu pillugit Namminersorlutik Oqartussat nalunaarutaat nr. 3, 27 januar 2017-imeersoq.

§ 9. Kommunalbestyrelsi nunaqarfinni ataasiakkaani aqutsisut, najukkanilu aalisartut piniartullu peqatigiiffii kiisalu sunngiffimmi piniartartut peqatigiiffii isumasioqatigereerlugit kommunip aamma aqutsiveqarfiit qilalukkanik qaqortanik qernertanillu pisassiissutaannik inuussutissarsiutigalugu piniartunut aamma sunngiffimmi piniartartunut agguaassinissaq pillugu piumasaqaatinik aalajangersaassaaq, pisassiissutinik agguaassinissaq sioqqullugu.

Imm. 2. Kommunalbestyrelsi inuussutissarsiutigalugu piniartunut aamma sunngiffimmi piniartartunut ataatsimut piniarnissamut akuersissummik tunniusseqqusaanngilaq.

Imm. 3. Kalaallit Nunaata kitaani aqutsiveqarfimmi qilalukkanut qaqortanut qernertanullu pisassiissutit 10 procentii angullugit sunngiffimmi piniarsinnaatitaasunut tunniunneqarsinnaapput.

Pissutsit atuuttut

Ukioq 2016-mi siullermeerluni Qeqqata Kommuniata iluani aqutsiveqarfiit marluusut Naalackersuisoqarfimmiit immikkoortinnagit ataatsimut pisassiisoqartalerpoq. Taamaalilluni 2016-miit 2020 ilanngullugu qernertat 6-it qaqortallu 50-it kommunip iluani agguanneqartarlutik. 2021-imi Qeqqata Kommunianut **qernertat** pisassiissutit kingumut 6-iupput.

Qaqortat pisassiissutit 2-nik amerleriaateqarput 52-it pisassiissutaammata.

Kommunip iluani aqutsiveqarfinnut agguaassinermi qaqortanut tunngatillugu 2016-miit atorneqarpoq procent-inngorlugu 60/40-mik agguaassisarneq. Sisimiut aqutsiveqarfianut pisassiissutit 60 procent-ii Maniitsullu aqutsiveqarfianut 40 procent-ii pisassiissutigineqartarlutik.

Qernertanut tunngatillugu pisassiissutit aqutsiveqarfinnut marluusunut avinneqarlutik 50/50 tunngavigalugu agguanneqartarput.

**Teknikkeqarnermut ataatsimiititaliap februar-ip 4-ni 2021 ileqquusumik ataatsimiinnerani 01/2021
imaqarniliaq**

Takussutissami uani takutinneqarput ukiuni kingullerni 10-ni aqutsiveqarfinnut marluusunut qaqortat pisassiissutaasartut pisarineqarsimasullu kisitsisinngorlugit.

Sisimiut aqutsiveqarfia:

Ukioq	2010	2011	2012	2013	2014	2015	2016	2017	2018	2019	2020
Pisassiissutit	26	26	26	30	30	30	30	30	30	30	30
Pisarineqartut	20	6	2	27	9	6	17	12	15	13	10

2020-mi Sisimiut aqutsiveqarfiani qaqortat pisarineqartut 10-t 2019-mi pisarineqanngitsunit 2020-mut nuutanut tunngasuupput, taamaammat 2020-mut pisasiissutiviit 30-vit ilanngarneqanngillat suli.

Maniitsup aqutsiveqarfia:

Ukioq	2010	2011	2012	2013	2014	2015	2016	2017	2018	2019	2020
Pisassiissutit	10	10	10	12	12	12	20	20	20	20	20
Pisarineqartut	5	1	3	14	13	9	12	10	10*	9	10

Taakkunanga pisaq 1 ukioq 2018-mi sunngiffimmi piniarnermut allagartalinneq pisarineqarpoq.

2020-mi Maniitsup aqutsiveqarfiani qaqortat pisarineqartut 10-t 2019-mi pisarineqanngitsunit 2020-mut nuutanut tunngasuupput, taamaammat 2020-mut pisasiissutiviit 20-vit ilanngarneqanngillat suli.

Qeqqata Kommuniani **qernertamik** pisaqartoqarpoq 2012-imi Maniitsup aqutsiviani ataaseq pisarineqarmat. 2017-imi kingumut Maniitsup aqutsiviani 2-t pisarineqarput.

2019-imi Maniitsup aqutsiviani qernertaq 1 pisarineqarpoq. 2020-milu 2-t pisarineqarput.

Sisimiut aqutsiviani 2018-imi aamma 2019-imi qernertat 2-t pisarineqarput. 2020-mi 1 pisarineqarpoq.

Qeqqata Kommuniani aalisartut piniartullu peqatigiiffiinnut, nunaqarfimmi aqutsisunut aamma sunngiffimmi piniartullu peqatigiiffiannut Allafteqarfik tusarniaavoq.

Akissuteqaatit ukua tiguneqarput:

Kangaamiuni aalisartut piniartullu peqatigiit oqaaseqaataat pillugu telefon notat 29.12.2020-meersumi imatut allaqavoq

“Kangaamiuni aalisartut piniartullu peqatigiit siulittaasuat Jens Meeraq Lyberth 29.12.2020

oqarasuaatikkut oqaloqatigineqarpoq.

Jens M. Lyberth-ip nalunaarutigivaa 2021-mi qilalugartassiissutinik agguaanissami peqatigiiffik imatut siunnersuuteqartoq:

Qaqortat: Pisassiissutit 52-it aqutsiveqarfinnut marluusunut avinneqassasut taamaalillugu

aqutsiveqarfiit tamarmik 26-inik pisassinneqarlutik.

Qernertat avinneqassasut aqutsiveqarfiit tamarmik 3-nik pisassinneqarlutik.

Sunngiffimmi allagartallit qaqortanik 10 pct. pissarsiarissappassuk peqatigiiffiup ajorinngikkaa”.

Kangaamiuni nunaqarfimmi aqutsisut akissutaani 28.12.2020-meersumi allapput:

“Siornatulli 10 % sunngiffimmi piniartullu tunniunneqarnissaa kissaatigineqarpoq, qernertanut tunngasoq ajorineqanngillat”.

Sisimiuni aamma Sarfannguan aalisartut piniartullu peqatigiiffiisa oqaaseqaataat pillugu telefonnotat 28.12.2020-meersoq:

“ Sisimiut aqutsiveqarfiani inuutissarsiutigalugu aalisartut piniartullu peqatigiiffii oqarasuaatikkut tusarniaavigineqarput ukiut siuliini Sisimiut Maniitsullu aqutsiveqarfiinut agguaasarneq pillugu allannguutissamik siunnersuutissaqarnersut.

Sisimiuni Sarfannguanilu peqatigiiffiit ukiuni kingullerni qaqortanik 60/40-mik avitsisarneq ajorinngilaat aamma qernertat aqutsiveqarfinnut avilluaannartarneri”

Maniitsumi aalisartut piniartullu peqatigiit oqaaseqaatiminni 30.12.2020-meersumi imatut allapput:

“Qilalukkat agguaneqarnissaata taamatut isikkulerlugu Ajorinngilarput”.

Pisassiissutinik kommunimi agguaassinermi qaqortanut tunngatillugu 2016-miit maannamut Qeqqata Kommuniani atorneqarpoq procent-inngorlugu 60/40-mik agguaassisarneq. Sisimiut aqutsiveqarfianut pisassiissutit 60 procent-ii Maniitsullu aqutsiveqarfianut 40 procent-ii pisassiissutigineqartarlutik. Qernertanut tunngatillugu pisassiissutit aqutsiveqarfinnut marluusunut avinneqarlutik 50/50 tunngavigalugu agguaanneqartarput.

Aningaasaqarnikkut allaffissornikkullu kingunerisinnaasai
Ilanngussaqanngilaq.

Qullersaqarfiup oqaaseqaatai
Soqanngilaq

Allaffeqarfiup naliliinera

Qaqortat:

Ukiut siuliini aqutsiveqarfinnut marluusunut pisassiissutaasarsimasut, pisarineqarsimasut aamma aqutsiveqarfinni immikkoortuni inuttussuseq(neqissaqarniarneq) tunngavigalugit Allaffeqarfiup nalilerpaa siunnersuutigalugu 2021-imut qaqortanik pisassiissutit 52-it aqutsiveqarfinnut agguaanneqassasut procentinngorlugu 60/40 tunngavigalugu. Taamaalillugu Sisimiut aqutsiveqarfiat qaqortanik 31-nik pisassinneqassasoq Maniitsullu aqutsiveqarfia 21-nik pisassinneqassasoq. Allaffeqarfiup nalilerpaa agguaariaaseq taanna amerlanernit maannamut iluarisimaarneqartoq. .

Sunngiffimmi piniarnermut allagartallit 10 pct. angullugu pisassinneqarsinnaanerat tunngavigalugu Allaffeqarfiup nalilerpaa siunnersuutigalugu qaqortanik pisassiissutinit 10 pct.-imik

pisassiinneqarsinnaasut. Tamanna tunngavigalugu Sisimiut aqutsiveqarfiani sunngiffimmi piniarnermik allagartallit qaqortamik 3-nik pisassinneqarsinnaasut taamatullu aamma Maniitsup aqutsiveqarfiani sunngiffimmi piniarnermik allagartallit qaqortanik 2-nik pisassinneqarsinnaasut.

Ukiuni siuliini sunngiffimmi allagartallinnut pisassiissutit tamakerneqarneq ajorput. Ataasiakkaanguit sunngiffimmi allagartallinnit pisarineqarsimasut naluanarutigineqartarput.

Qernertat:

Qernertanik pisassiissutit nungunneqarneq ajorput. Tamanna pillugu Allaffeqarfiup nalilerpaa 50/50 tunngavigalugu pisassiissutit aqutsiveqarfinnut marluusunut avinneqarsinnaasut. Taamaalillugu aqutsiveqarfiit marluusut tamarmik 3-nik pisassinneqarsinnaallutik.

Innersuussut

Allaffeqarfiup Teknikkeqarnermut Ataatsimiititaliap siulitaasuata aalajangiinissanut akuereqqullugit innersuussutigai:

Innersuussut:

Qaqortat pillugit:

Innersuussutigineqarpoq qaqortanik pisassiissutit 52-it aqutsiveqarfinnut marluusunut agguanneqassasut procentinngorlugu 60/40 tunngavigalugu.

Taamaalillugu Sisimiut aqutsiveqarfiat qaqortanik 31-nik pisassinneqassasoq. Taakkunannga inuussutissarsiutigalugu piniarnermut allagartalinntut 28-t pisassiissutigineqassasut taavalu sunngiffimmi piniarnermut allagartalinntut 3-t pisassiissutigineqassasut.

Maniitsup aqutsiveqarfia 21-nik pisassinneqassasoq. Taakkunannga 19-it inuussutissarsiutigalugu piniarnermut allagartalinntut pisassiissutigineqassasut taavalu 2-t sunngiffimmi piniarnermut allagartalinntut pisassiissutigineqassasut..

Qernertat pillugit:

Qernertat pisassiissutit 6-t aqutsiveqarfinnut marluusunut avinneqassasut taamaalillugu Sisimiut aqutsiveqarfiani inuussutissarsiutigalugu piniarnermut allagartalinntut 3-t Maniitsullu aqutsiveqarfiani inuussutissarsiutigalugu piniarnermut allagartalinntut 3-t pisassiissutigineqassasut

Siulittaasup aalajangiinera

Teknikkeqarnermut Ataatsimiititaliami siulittaasup ataatsimiititaliaq sinnerlugu decembarip 30-ani 2020 aalajangii voq.

-Innersuussutigineqartoq akuersissutigalugu

Aalajangineq Teknikkeqarnermut ataatsimiititaliap tullissaanik ataatsimiilerpat ilisimatinneqassaaq.

Frederik Olsen
Siulittaasoq
Decemberip 30-ani 2020

Teknikkeqarnermut ataatsimiititaliami suliarineqarnera:

Ataatsimiititaliap aalajangiineq tusaatissatut tiguvaa

Ilanngussat

1. 2021-imi qaqortanik qernertanillu qilalugartassiissutit pillugit Aalisarnermut Piniarnermut Nunalerinermullu Naalackersuisoqarfiup tusagassiorfinnut nalunaarutaa 22.12.2020-meersoq,
2. Qilalukkat illersugaanerat piniagaanerallu pillugit Namminersorlutik Oqartussat nalunaarutaat nr. 3, 27 januar 2017-imeersoq.
3. Kangaamiuni aalisartut piniartullu peqatigiiffiata oqaaseqaataat 29.12.2020-meersoq,
4. Kangaamiuni nunaqarfimmi aqutsisut oqaaseqaataat 28.12.2020-meersoq
5. SAPP, SAAPP aamma Sarfannguani aalisartut piniartullu peqatigiiffiisa oqaaseqaataat pillugu telefonnotat 28.12.2020-meersoq,
6. Maniitsumi aalisartut piiniartullu peqatigiiffiata oqaaseqaataa 30.12.2020-meersoq,

Imm.08 Tamalaat

Anna apequteqarpoq: Kangerlussuarmi piniartunik aalisartunillu ingammik ukiuunerani piniarnerup nalaani umimmanniartunut pitsanngorsaanissamut pilersaarutit suuppat? Kisianni aamma ukioq tamakkerlugu. Ullumikkut inuit ataasiakkaat atortunik il.il. piareersaanermt inissamik suliniuteqartarput.

Ataatsimiinneq naavoq nal.15:15